

〔日本鹿子<sup>十三</sup>〕紀伊國七郡、小下國、南北四日、略中、知行高三十九萬五千四百二十石餘、

〔官中秘策<sup>五</sup>〕紀伊國 七郡 略中

一石高三拾九萬七千六百六拾八石餘

〔吹塵錄<sup>五</sup>〕人口及國高、天保度御國高調 略中

紀伊國 皆私領 一高四拾四萬八百五拾八石三斗七升七合七勺壹才

出舉稻 〔延喜式<sup>二十六</sup>〕主稅<sup>二十六</sup>諸國出舉正稅公廩雜稻 略中

紀伊國正稅公廩各十七萬五千束、國分寺料二萬束、金剛峯寺料五千六百十六束、同寺燈分并佛聖

料二千八百束、祐誤粉<sup>恐</sup>河寺料四百束、文殊會料二千束、修理池溝料三萬束、救急料六萬束、

〔倭名類聚抄<sup>五</sup>國郡〕紀伊國 略註管七 中略正公各十七萬五千束、本稻四十六萬、

〔儀式<sup>四</sup>〕踐祚大嘗祭儀下

太政官符諸國司

紀伊國 海部郡薄鮫二連 生鮑三籠 生螺三籠 都志毛三籠 古毛三籠 螺貝燒鹽五壺

右六種國所造備 略中

以前得神祇官解備、供奉大嘗會、其所由加物、依例所請、如件者、國宜承知、依數造備進上、

〔延喜式<sup>十五</sup>內藏〕諸國年料供進 略中 樽 中略紀伊、阿波、伊豫、

〔延喜式<sup>二十三</sup>〕年料春米 略中 紀伊國 大炊二百石 略中

年料別納租穀 略中 紀伊國 三千百石 略中

年料別貢雜物 略中 紀伊國 紙麻七斤、鎌垣九隻、中略

諸國貢蘇番次 略中 紀伊國七壺 二口各大一升、五口 右十四箇國爲第六番 于午年 略

交易雜物 紀伊國 白絹十二疋、絹二疋、那乃利曾五十斤、樽二合、大凝菜一百斤、於胡菜卅斤、大豆廿石、小豆

國產 貢獻